
Фарғона вилоятига амалга оширилган медиа-турнинг биринчи куни якунланди

Ўзбекистон Республикаси Жисмоний тарбия ва спорт вазирлиги ҳамда Фарғона вилояти ҳокимлиги ташаббуси билан оммавий ахборот воситалари учун амалга оширилган медиа-турнинг биринчи куни якунланди. Журналистлар Марғилон темир йўл вокзалида тантанали кутиб олиниб, Марғилон шаҳрида жойлашган 2-сонли болалар ва ўсмирлар спорт мактабида бокс бўйича ўсмирлар ўртасида ташкил этилган Ўзбекистон кубоги спорт мусобақаларининг гувоҳига айланишди ва мактаб фаолияти билан танишишди.

Кейинги манзил эса Қувасой шаҳрида жойлашган "Водий тулпорлари" спорт мажмуаси бўлди. У ерда оммавий ахборот воситалари вакиллари мажмуадаги от заводи фаолияти, спортчиларнинг машғулотлари ва кўргазмали чиқишларига гувоҳ бўлишди.

Кун сўнгида эса журналистлар Фарғона шаҳридаги вилоят жисмоний тарбия ва спорт бошқармаси ҳузуридаги "Али" бокс клуби фаолияти билан ҳам танишиб, спортчиларнинг машғулот олиб бориш жараёнларини кузатишди.

ФАРҒОНА ВИЛОЯТИ ҲОКИМЛИГИ АХБОРОТ ХИЗМАТИ

2019-11-27 10:16:59